

Austrum est mons Stymphalus, ad Septentrionem Sinus Corinthiacus. Vrbes *Dyme* quæ nunc *Chiarenza*, unde Promont. Araxeum vocant *Capo di chiarenza*: *Olenus*, *Patra* urbs insignis olim, nunc *Patras* dicitur: *Ægium* urbs recentioribus temporibus *Vostiza* vel *Bostizan* dicta, & a Turcis excisa. *Ægira* urbs quondam primaria in colle aspero atque difficili posita, quæ nunc diruta jacet & *Xilocastro* dicitur. Et in *Crisæo* Sinu *Helice*, *Bura*, *Pellene*. *Sicyonia* inter Achaïam & Asopum sita: primaria ejus urbs *Sicyon*, omnium Græcarum urbium vetustissima, & tempore Abrahæ condita, Templis, aris, statuis, simulacris plenissima Fuit & *Phlius*, quæ forte eâ est quam hodie vocant *Vasilicon*. Superest *Arcadia* regio Peloponnesi mediterranea, undique a mari remota. Hujus urbs *Megalopolis*, patria Polybii gravissimi ac sapientissimi Scriptoris. Hodie *Leontari* dicitur. *Stymphalus*, unde *Stymphalis* palus, & aves *Stymphalides*. *Lilæa*, *Mantineia*, *Psophis*. Civitates autem totius Peloponnesi nobilissimas, quasi compendio complexus est Ovid. lib. v i *Meta morph.*

*Finitimi Proceres coeunt urbesque propinque.*

*Oravere suos ire ad solaria reges:*

*Argosque & Sparte, Pelopeiadesque Mycenæ,*

*Et nondum torvæ calydon invisa Dianæ,*

*Orchomenosque ferax, & nobilis ære corinthus,*

*Messeneque ferox, Patraque humilesque cleonæ,*

*Et Meleæ Pylos, nec adhuc Pytheia Træzen,*

*Quæque urbes alia bimari clauduntur ab Isthmo.*

Amnes celebriores sunt *Asopus*, nunc *Arbon*, *Theveto*; *Penæus*, nunc *Nigro* & *Theveto* *Igliaco*: *Alpheus*, qui *Flumina*, adcolis *Rophea* dicitur, ut *Sophiano* placet, & secundum *Nigrum* *Orphea*: *Italis* vero nautis *Carbon*: atque huic fluvio *CXL* amnes inlabuntur: & albas maculas ac impetiginem sanat. *Panifus*, *Stromio* nunc *Nigro*: sed *Piræa* in *Tabulis* *Castaldi* & *Mercatoris*, totius Peloponnesi fl. maximus. Hujus aquæ puerorum & infantium morbis mederi dicuntur. *Eurotas*, hodie *Basilopotamo* *Sophiano* & aliis, sed *Iris* *Nigro*: cujus ripæ *Lau-ro* abundant: & *Inachus*, qui *Planizza* hodie est *Sophiano* & aliis. Reliquos prætereo. Montes *Stymphalus* Mons *Montes*. *Arcadiæ* altissimus, qui *Dominico* *Nigro* *Poglici* dicitur. *Pholæ*, *Xiria* *Nigro*. *Cyllenius*, *Melæ*, *Cyllene*, *Strab.* totius *Arcadiæ* altissimus. *Menalus*, *Menalius* *Melæ*, *Cronium* *Ptol.* *Grevenos*, *Nigro* *Zarex*, *Gemistus* *Zaraca* vocat. *Mimbe* *Ptol.* & *Strab.* *Olono* vocatur *Nigro*. *Evan* videtur apud *Pausaniam* dici, ab *Evoe* *Bacchantium* voce: quod hoc loco *Bacchus*, & quæ eum sequebantur mulieres, sic exclamasse credantur. *Taygetus* *Plinio*, *Pausaniæ*, *Vibio* & *Steph.* Peloponnesi mons in *Laconica*, *Eurotæ* flumini vicinus. In hujus summitate existentibus, prospectus patet per omnem Peninsulam, ut nulla celebris visum effugiat Civitas. Hic Mons varias Feras nutrit, consecratus *Baccho*, *Apollini*, *Dianæ*, Ceteri. In *Morea* *Episcopi* juxta *Provinciale Romanum* hi: *Archiep.* *Corinthiensis*, sub quo *Argivensis*. *Arch.* *Parracensis*, sub quo *Coloniensis*, *Mothonensis*, *Coronensis*, *Amyc-lensis*, *Androvillensis*.

C c c c iij

Tandem